

# ICONISMUS

Ecclesiæ Evangelicæ  
apud Malabaros in India Orientali,

In

Memoriam Jubilæi secundi Augustanæ Confessionis

d. 25. Jun. MDCCXXX.  
celebrandi,

Et in

lætitiæ significationem,

ob Evangelium, ut in Scriptura S. & in Confessione Augustana docetur,  
*boc nostro ævo apud Indos propagatum,*  
*artificiosa tabula expressus & æri incisus*

à

J. JACOBO KLEINSCHMID, Chalcograph.  
Augustæ Vindelicorum.

**E**xhibet primaria pars Tabulae unum ex Missionariis Danicis librum cantionum manibus te-  
nentem, & cum quodam Brachmane, seu Sa-  
cerdote Indico, sermones de DEO vero mi-  
scit, quo illum in admirationem agit. Circumfu-  
fa adstat turba variarum nationum Orientalium auscul-  
tantium, ac ad ea, quæ à Missionario proponuntur, fol-  
licite attendantium.

**A** tergo appetet Pagoda seu templum idolorum, in quo Biruma idolum, quatuor capitibus totidemque manibus monstrorum, conspicitur. Pone Missionarius duo pueri itant Malabarici, quorum alter ejus generis libellum manibus tenet, ut Missionaris inter gentes distribui solent. Et longinquò cernitur Missionarius cum scipione flumen quoddam transiens, in inferiori regione primariae partis præstigiator & magus Indicus repræsentatur, veltum gerens tintinnabulū exornatum, & campanulam pedi alligatam habens.

**C**lypeus superior generalem Titulum continens supra se habet stellam. Sicut enim Magis stella olim in Oriente apparuit ad Christum eos ducens: sic etiam fulgidissimum Evangelii fidus his Orientis incolis iter ad Christum monitrat.

**P**icturam totam ambunt sex Emblemata,  
1. Primum tiffit solem inverso naturæ Ordine ex occa-  
su in Orientem tendentem, cum Lemmate:

*Lumen ab occasu.*

Ex Europa enim, hoc est ex Occidente, ministerio Missionariorum Danicorum, sol Evangelicæ veritatis ad Indos Orientalis cursum direxit.

2. Secundum Emblema exhibet Indum, qui facio ba-  
ptismatis fonte abluitur, cum Lemmate:

*Deletur candore nigror.*

Qui enim fusci coloris cutem habent, Christianis fa-  
cias initiati, niveam mentem induant.

3. Tertium ostendit idolum, quod diffingitur ac de-  
struitur cum Lemmate:

*Merito migrare jubentur.*

Cedunt enim jam idola templis, & Christo locum  
relinquent.

4. Quartum Emblema hortum aromaticum continet  
cum Lemmate:

*Jam sanctos spirat odores.*

India enim aromatum præstantissimorum proven-  
tu nobilis, jam etiam florum Evangelii fragrantia  
beatur.

5. Quintum Biblia repræsentat, in quibus verba leguntur:  
*Act. XXVI. v. 18. Ad eorum oculos aperiendos, ut ex  
tenebris in lucem & ex satana posestate ad DEum se con-  
vertant, & ita peccatorum veniam, & eandem cum eis for-  
tem consequantur, qui fide mibi habenda sancti facti fuerint,*  
Lemma inscriptum;

*India ditatur.*

India enim Orientalis nobis thesauros terrenos mit-  
tit, nos vicissim ex Europa illi mittimus thesaurum  
animæ præciosissimum, omnes divitias seculi longi-  
time superante, verbum nempe DEL.

6. In sexto tandem Emblemate offert sc Elephas funi-  
bus constrictus, cum Lemmate:

*Mansuetum docilemque facit.*

Sicut enim Elephantes, bellus Indiæ Orientali no-  
tilissimæ, funibus ligati cicurantur, ut ferocia deposi-  
ta ad varia ministeria possint adhiberi: ita Indi, funi-  
bus divini amoris in conversione constricti, perditos  
mores exuant, & utiles redduntur in magna illa Ec-  
clesia œconomia.

7.

Inferiorem tabulae partem exornant duo pueri Ma-  
labarici, alter dextra manu tenet insignia Regni Danie,   
sinistra vero effigiem Summe Rev. Ziegenbalgii, fini-  
stro pede conculeat caput idolis; alter sinistra manu  
Ichnographiam Templi Neo-Hierosolyma dicti, dex-  
tra vero iconem Plur. Rev. Grundleri tenet. In spatio  
his iconibus interiecto conspicuntur tres libri, nimirum:  
Biblia Malabar, Catechism. Malabar. Liber cantionum  
Malabar. Sub his libris inititum Evangelii Matthæi,  
item nomina Ziegenbalgii & Grundleri Malabarico idi-  
omate & charactere expresa.

6.

Medium baseos mappam Geographicam litoris  
Coromandelini continet. Sub ea in infinita parte vala,  
victimæ, thuribulum inversum, V. Testamentum, alia  
vala cum calice, N. Testamentum repræsentant. His  
adjecta est schedula, cui dictum inscriptum. Luc. I. v.  
79. *Uit apparetis illi, qui in tenebris & atra nocte degunt.*